




100

農丈人文集序



予竊慨今之日秦不講於農之術矣士就
閒燕垂紳笏商賈負擔何工傭辨功苦藝
搖舌談龜筮卒受直踐更氓至於計無復
之始脫衣戴蒲盡四支之斂為農顧自士
以下依農為命此其為功巨取效廉而其
聲甚銷也予又竊慨今之日其文之質者
秦似於農之術矣儼豔之語裁四儷六模

遷汜固出莊入列而鴈鼎見悅畫龍不駭
彼師孔談經質有其文者埒之自鄙其為
功巨取效廉而其聲甚銷也猶之農也世
不貴農至論大狗農師一之即司徒太師
五之七之農之自貴不為世所不貴變也
世不貴文之質至論大聲隱隱轟轟久而
愈盈白日照之江河滌之文之質者自貴
不為世所不貴變也蓋予讀農丈人集也

以為講於農之術邪似農邪而丈人自名
農也則又非徒講於農之術邪意者真農
邪農者曰先生者美米後生者為糝是故
其糝也長其兄而去其弟不知稼者去其
兄而養其弟文亦有兄丈人取真醇棄糟
粕是養兄之農也故其辭精而格高農者
曰權節其用及寒擊菓除田以待時耕及
耕深耕而疾耰之以待時雨文亦有待丈

人從容按節優柔適會是待時之農也故其理融而情壘農者曰穫之恡恡積之粟粟其崇如墉其比如櫛以開百室文亦有穫有積丈人乘一總萬舉要治繁是開百室之農也故思合符契而文成矩矱夫農與文二物也而道一也以農之心抒之詞則其樸尊其約膠其氣章其味甘質有餘而不受飾以非農之心抒之詞則野有寢

耒繁華沒實皆知其末莫知其本真唐秩東作而堯文安安棄為農師而周文郁郁有有莘之耕而後能作伊訓有南陽之稼而後能吟梁父非意之也或曰農而文也彼世之糾笠趙罽與堯童牧孺肩相摩者胥貿貿焉董辨菽麥世之棄畝棄圃委市築解襜褕而罷組據軒者十九彬彬也曰農而闇於農道也何能文矣彼不農而農

其道者未有不嫻於文也其農丈人之文
邪文人始為農既釋褐成進士歷官至奉
常復為農故始終名農丈人丈人為誰予
友人四明余僧杲也丈人集二十八卷詩
得其八文得其廿
萬曆甲辰歲清明日友人泰和郭子章敬
撰

建邑楊材鐫

農丈人詩集卷之一

目錄

畢華者芝四章 有序

閣魏魏為程太學虞仲賦 有序

浦三姑操 有序

送屠田叔北上謁選四首

壽大司馬張公東沙先生

魏茂權奉常席上贈萬伯脩明府

贈呂心文心文令泰興甫三月棄之歸

送戴仲德游秣陵得高字
別駕鄭龍岡先生過訪

周郡理國雍過訪

婺州吳少君來訪

小樓對雪全沈嘉則諸君限韻

何愁

杯酒

送節推陳及卿之廣州寄訊廣州太守周

源伯及秘書黎惟敬

黍谷行送葉鄭朗游燕都

送莊靜甫之秦謁幕府葉周兩公

送余節推之淮郡

全康裕卿胡文甫登毘盧閣分得僧字

使君一首呈丁右武巡海使者使君懷故

若饑逢人便問爰解踈節用志鄙悰

萬竹山房賦贈張方伯公纓泉先生

維揚別李道甫道甫嘗以掾魏侍御謫官

故末語及之

山居二首

張司馬公招游茂嶼全其從孫石里少卿

明江太守賦二首

夏日歐楨伯李龍美沈叔成梅克生盛泰

甫梁持伯朱汝脩董體仁李汝藩邀素

全景從馬用昭張元易及余集顯靈道院

分得清字是日龍美後至而汝藩之薦

資也頻遂及之後語詩凡二章

送潤州劉別駕入賀 萬壽二首

送沈肩吾太史應召日講二首

恭紀 聖駕大閱二十二韻

發嘉祥縣

夜行壽張道中有懷黃鄆城明府

靈鳴牘口遲王元美太僕不及聞已之任

燕都

送管世臣之任延平太守

姬仲安參軍來訪

贈陳定海明府

郡公吳文仲以詩見贈賦畲

沈文選徵甫俞考功章甫過訪翌日又辱

筵之賦謝

維揚黃定甫過訪與談曾司空舊事悵焉

有述

貳守李公惠贈俸資賦謝

老鮫

題畫

沈肩吾太史屠田叔比部餞別郊外二首

時余下第東歸

渡滹沱

過徐州諸山

絕句三首送徐叅軍之陪京

送鄔仲聲三首渠家翁汝翼先生嘗許余

入道故首章寔追恨焉

張司馬公招游武陵庄四首

武陵再賡四首

題胡人射獵圖四首

題軒轅石

題便面

博平阻風二首

淮上阻風二首

農丈人詩集目錄卷之一

書記周禮

農丈人詩集卷之一

古鄆余寅僧果著

長安
振錄
西
蘇

畢畢者芝 有序

畢畢者芝為邵侍御也侍御廬母墓三
年有芝若干本產其墓所孝所召也遂

賦焉

畢畢者芝魁其以瑳魁其以瑳蒸也則邠君子

寔荷

畢畢者芝黜其以蕢黜其以蕢蒸也則云君子

寔忘

天無宇宿母于野叶俛乎貯美其何許矣不肉

白骸肉爾膺膺后土后土

天無左叶宿母于莽俛乎憊矣其何處矣不蘇

白骸蘇爾栩栩后土后土

畢畢者芝四章二章章五句二章章七

畢句

閣巍巍為程太學虞仲賦有序

虞仲好古圖書貯之一閣命曰芸閣為

之賦閣巍巍凡六解

閣巍巍埒無閭廓億部尚古初一解閣巍巍白

魚伏從不勝所中酷二解閣巍巍郁盼起誰執

火侍君子三解閣巍巍討竒牟驟三辰决若讎

四解閣巍巍義之府翼吾神以開厚五解閣巍巍

魏干青雲介文昌謁至尊六解

浦三姑操有序

浦三姑者傳御史側室也事御史七十

日而御史謫戍海上從御史海上凡二

年而產而死御史哀之甚余為作浦三
姑操凡三章

浦三姑徐倚于壹者之妹無若於人殊矜乃繫
悅繫華衲來之魚魚顧見望舒

浦三姑委無渝皇天其劬敬恭昌瑜奉之乎多
荼君子以無瘖

浦三姑胡不如如敦禹去不須吏兒來不俱鳴
呼命之不圖疚我厥初

送屠田叔北上謁選四首

君行何劬勸我心何旁皇春強不解雪雷電雜
繁霜但知相聚樂豈知相別傷聚散亦有時不
信待來茲一辭令人嘆再辭令人思青陽日以
綠不共履歲幾天路邀佳人光彩生驅馳不念
居者苦肝腸日夜摧

其二

出門會有宜理途亦有紀大風凍不前旌旆何
靡從上堂辭白髮下堂辭內氏操襟撫其心揮
淚向寒水將父如之何將母誠足喜大志苟有

申富貴非所齒丈夫事四方安得守窮耒

其三

山海高以深培塿自卑小巖巖媠厚姿文章見
標表仁者必有充中腴貌不槁茹氣良自嘉吐
氣亦自好篤古類必收得言忽如飽奉已食太
清不愿同佻巧咄喑世上人立身胡草草何不
師吾友百拜歸天造

其四

與君成久要形影相追隨行役胡為耳山川忽
間之君行勤北闕特達信所如皇天寶嘉類申
優崇且舒小人寡宿植倉皇念疇昔微幸不可
多造化來相厄何者再三憐衆人指為僻托生
各有命千疑待一聖兩心豈不然青山以為正
壽大司馬張公東沙先生

又祝尚書壽還過秘監湖雲霞高鴈鶩洲渚空
菰蒲別業開詩社閒身伴酒徒黃金多舊賜嘉
與老臣娛

魏茂權奉常席上贈萬伯脩明府

海內稱兄弟如今若箇真總闌春寂莫乍向酒
嶙峋盛世難論事窮途易覘人不須尋黍谷玉
瑄已成塵

贈呂心文 心文令泰興甫三月棄之歸

陶令曾迂濶君今與頡頏偶然看寶玦瞥爾謝
銅章霄漢威儀大山林位置長當時嚴兵守原
住禦兒鄉

送戴仲德游秣陵得世字

煙雨積江臯江聲日夜勞老方開浩蕩客自美
游遨六代存黃鳥千山上白袍古人都寂莫轉
使酒杯高

別駕鄭龍岡先生過訪

行部及芳菲來過白板扉花陰平絕壑雲片墮
虛幃土脉風俱發山楸月共圍函前方丈地端
拜賦緇衣

周郡理國雍過訪

丘園吾自老旌節爾何侵一看幽人意幾傷達
者心青山償始顛空谷有知音怪道談鋒盛情

真不避深

婺州吳少君來訪

窮巷故無竒蕭齋雅自宜
倉皇千里道忽漫十年思
對面蒼山長論心白日遲
形骸都忘却了不使人疑

小樓對雪全沈嘉則諸君限韻

對雪真無賴披襟故有期
踈鐘清睥睨高燭敞茅茨
除夕明朝是吾生世路危
蔬畦供小摘已得及春滋

何愁

吾亦難知我何愁可向人
雲生秋黯黯雨入夜
逡巡丘壑初占籍
乾坤未了身頭顱
看種種容易到今貧

杯酒

杯酒爾何知難論是布衣
自經人面改便覺世情違
涼月方窺戶淒風正切幃
孤燈看仔細顧影不成依

送節推陳及卿之廣州寄訊廣州太守周

源伯及秘書黎惟敬

陳君意度何宛練御史臺中日相見忽然遠作
百粵行馬頭屑屑飛搏霰我聞百粵多毒淫黑
礁叢箐天沉沉恨殺當時海珠寺乘障不發何
衿吟邇來弄兵少衰止噢咻瘡痍待君起母然
縱口輕入人搖筆便關生與死誰言六柜空下
來玉皇香案高崔嵬世人不解作真吏蒼鷹乳
虎爭喧逐如今太守漢周舉萬里急君正延佇
山剽野竊次第清尋常談笑佐樽俎大廈嶺上
梅未舒桄榔木葉逢人踈相思到處總如此并
訊山中黎秘書

黍谷行送葉鄭朗游燕都

龍荒迤北號幽朔白檀一片如枯瀆此方錮在
九地陰不省農間有種陸爽靈道者神霄人手
握玄關轉亭毒撫拊嶰竹按宮徵窮崕倏忽成
膏沃豈有天公假幻師遂令土母機揆速總知
塊堦屬大鈞感甍粟陽和反乎復入均出度由空
管至今滿耳呼鵠鷄君不見水諸火燧俱胎宿

海知尾閭雲能族此理冥漠不必論臬州此日
誰推轂君到燕山黍正熟不妨匙滑琉璃馥日
向天街跨黃犢

送莊靜甫之秦謁幕府葉周兩公

秦中自古號神京花事繁時緩轡行磅礴不分
天地大寂寥都共草萊平五銖豈必真媒世六
博從來不買名正喜風流都護在晝應泚筆夜
飛觥

送余節推之淮郡

淮南近事喜清夷正賴神明贊百司天地乍分
瀕洞日山川未展勞來時王孫舊業無空壘帝
子雄心有大陂寧是于公勤賽鼓至今伏臘報
靈祠

全康裕卿胡文甫登毘盧閣分得僧字

竭來長嘯學孫登妙喜諸天取上層萬里風雲
歸浩蕩九關斥堠入憑陵高談直欲驚塵世餘
瀝猶堪酌聖僧下界忽聞吹鬢策紛紛翔思莽
相仍

使君一首呈丁右武巡海使者使君懷故
若饑逢人便問爰解踈節用志鄙悰
使君高誼總氤氲芳訊時時到海濱不狎人羣
幽澗草無關天路大隄雲鑿坏遁去吾何敢抱
石沉來舊有聞湯詫龐公真偃蹇鹿門洞壑定
誰分

萬竹山房賦贈張方伯公纓泉先生

青天捲盡綠雲踈宛在篔簹谷口居已分投閒
真是鮫何妨混迹併為漁平生作事都無過今
日論貧總不如縱使辟疆園家勝恐難高頌似
君廬

維揚別李道甫道甫嘗以秣魏侍御謫官
故末語及之

方舟不判意何其百徧遠巡是酒卮秋老關河
搖落候夜深天地混同時寸腸似海渾無量片
語如山定不移往事偶然吹一呖無煩重理向
來辭

山居二首

盤桓從地拙，偃息仰天慈。昔見歲輸田，作常時計。
口炊事多今日，便迹有衆人。危不信玄同者，沉
思轉益疑。
漫說總能殊，聊從祇自須。山中讀秋水，象外得
玄珠。豪舉負能甚，雄心老欲無。不甘偷歲月，清
晝自然徂。

張司馬公招游茂嶼全其從孫石里少卿

明江太守賦二首

嵐氣宿江干，經霜不作寒。丹楓何造次，早已共

盤桓。解組諸君勇，傳杯此地寬。無嗟人世事，吾

道自艱難。

大海浣青天，高樓滿月懸。有懷都浩蕩，無語獨
翩翻。痛飲芙蓉下，狂歌絡緯前。濶寥吾自足，焉
敢受人憐。

夏日歐楨伯李龍美沈叔成梅克生盛泰

甫梁持伯朱汝脩董體仁李汝藩邀素

景從馬用昭張元易及余集顯靈道院

分得清字是日龍美後至而汝藩之薦

資也頻遂及之後語詩凡二章

天宇開澄碧霞宮切紫清就陰頻改席迫景疾
飛觥梅雨當歌斷蘭風逐嘯生鶴鷓緣底事儻
遲老侯羸

勝賞亦公事沉酣是舊盟談鋒轉圓捷雲物與
崢嶸官下多纏束樽前暫廓清精糈紛進續真
稱五侯鯖

送潤州劉別駕入賀萬壽二首

朱方初郡倅丹陛獸嵩呼咫尺金函在分明玉
藻俱山川皆下走風雨正前驅何幸鈞天上真
逢泰昊殊

神霄何處所法從自周遭黃道諸辰伏青雲萬
事勞棄乾流自古替亢勢原高知有南山曲明
時不用操

送沈肩吾太史應召日講二首

雅志彌端亮敷辭盛慨慷言觀一尺詔真作萬
年觴九廟威靈赫千官意氣長天家磐石似
莫不贊平章

稷下空空雄辯鴻都亦瑣儒無爲天法象有儼
帝師模寧許夔龍讓還同周召趨成王英妙日
駮駕聖之途

恭紀 聖駕大閱二十二韻

有大思隆烈無前廣上規廟謨文竝武聖慮險
爲夷天地開中壘風雲護曲維布著春迪吉禡
燾晝揚麾日動嚴遶蚤天行夾轂遲如山華蓋
靜非霧翠幢嶷礮電爲游徼鞭雷作大誰欣飛
歸節制曠騎領威儀桂向龍棖遶蘭從虎落披
轉廂呈遠勢促鼓奮雄姿劍決聲俱沸戈旋氣
不靡星辰知起伏江漢入推移曩力輕黃洞捐
軀俯白羲縱橫猶古法凌厲是今時小醜皆俘
馘名王悉係纍討將軍實盛示以國容竒舍茨
元閑禮車攻載頌詩軀膺嗤漢事角觝陋秦爲
雨競懽呼集颺隨號令馳張皇纔一舉震疊已
三垂玄武旗常直蚩尤羸敢吹半帝真黃道主
永荷綠圖熙

發嘉祥縣

大湖無風照天靜黃屋赤谷高低隱嚴霜白盡
陳死根石逼星寒沒孤影水伯無權不到村滌
場墜戶嬉相存起餉客子夜未半相送狂霾又
出門

夜行壽張道中有懷黃鄆城明府
灌莽蕭蕭風正疾夜半霜空擊沙礫寒光直如
天漢青舉足無憑兩相失馬驚轂泛星辰疲林
乾草澁逋逃疑涕淚將無歧路盡肝膽安有窮
途爲世事踟躕每如此孤燈獨坐吾知之忽思
昨日黃明府恨不留連更片時

靈鳴犢口遲王元美太僕不及聞已之任
燕都

黃柳花殘馬頰河春深其柰故人何空勞悵望
青天外何地馮陵赤電多興到酒人應自暢豪
知屠者競相過長安此日倍顏色未道風塵太
劇詞

送管世臣之任延平太守
浦上沙黃氣色開諸谿安穩使君來府中自識

神明守陛下真憐跡弛才漲海煙雲都尉部
蠻天風雨越王臺塞帷幾渡延津水莫歎雙龍
去不回

姬仲安參軍來訪

參軍久已謝浮名特地相思爲入城窮巷不妨
風雨積小山自許薜蘿清一披竹色青衿合雙
照梅花白髮明信有當時初意在敢辭踪跡世
久驚

贈陳定海明府

竊憐茂宰大江隅真竝文身龍子居百里纖毫
皆曠蕩幾年瀉涵借躊躇田間不獸多馴雉
上由來少是魚處處野棠閒白晝寂寥還著九
農書

君公吳文仲以詩見贈賦畲

曾將一疏叩重閣鯨海波濤靜不翻轉粟萬庾
供歲計請錢十屋戢軍屯福堂閒寐天真大禮
殿雍容日自尊慚愧白頭蒙異數高題篇什到
衡門

沈文選徵甫俞考功章甫過訪翌日又辱
筵之賦謝

六朝舊蹟入空陂
王謝風流不可追
世自尋常看鸞鷲
誰曾明白效埧荒
水歸海甸爭成險
山到皇都總獻奇
好事如君真不易
南中今日有新詩

惟揚黃定甫過訪與談曾司空舊事悵焉
有述

凍雪連江過槿籬
不堪相憶舊相知
杯行花下雙無恙
淚灑燈前兩不欺
片鍊自捫霜繡溢
短裾誰拂雨紛披
款冬滿樹看猶昨
恨入先春未較遲

貳守李公惠贈俸資賦謝

杜門聊自慰支離
萬里風塵正倦時
赤仄乍來相問訊
赫躡端拜有威儀
鯁生真玩人間世
稚子初欣宇下炊
海嶽高深空眼底
即今標韻好憐誰

老鮫

老鮫珠子舊魚腸誰道三年不發光莫把龍文
閒自照恐多靈氣駭天狼

題畫

獸屋千峰閉寥廓山風日夜吹空壑青圭月寒燒
上枯梨不覺天沉松子落

沈肩吾太史屠田叔比部餞別郊外二首

時余下第東歸

蹇驢蹶躡出都門岐路相看酒一尊臨到分携
渾不省狂靈狸濁霧一時昏

處人家是艷陽天向地春光不可憐君自慨慷
吾自醉揔無言語只揮鞭

渡溱洧

一片桑乾水氣昏白雲空磧大河吞馬頭帶得
衝星劍夜夜回看古薊門

過徐州諸山

大火流時上帝畿歸來不信柳花飛青山處處
都相識已是三回換客衣

絕句三首送徐參軍之陪京

仙郎灑落早知名綵騎翩翩白下行想憶秦淮
舊時路聽歌桃葉不勝情

天家無事若安盃不用張皇合虎符抱得奇門
無用處祇來談笑佐呼盧

脫巾往事忍重論金鑊鑿曾怙主恩試問鯨
鯢江上舞可能半甲耀轅門

送鄔仲聲三首渠家翁汝翼先生嘗許余

入道故首章寔追恨焉

絳雪當年許共嘗相將携手白雲鄉如何獨餌

飛魚去不借玄明半七霜

爾家衣鉢在稱詩况值皇天酷烈時一讀悲歌
一慷慨夜闌風雨大江垂

長鏡携得傍誰居晝理絲桐夜讀書欲問生涯
何處所閒雲滿地不堪鋤

張司馬公招游武陵庄四首

寒潭秋老淨江門天空千村與萬村無數汀花
驕客子教人信步下高原
白衣如水水如霜薜荔看人意自長盡日欄干

憑不足又隨脩竹過東墻
忘却山家日月遲都無猿鶴到猜疑等閒拾得
金光草不信春風老自知
空濛薄霧隱潺湲併入青楓作曉寒決決溪雲
水翻去碧沙明處海天寬

武陵載賡四首

烟莽離離葉不收山空石落大陂秋金天白盡
高雲過閒殺黃花澗底幽
地僻花深晝不開青鸞窟宅白雲隈主人更闢

忘憂館夜夜稱觴百尺臺

高燭燒殘是幾更明河不斷大隄平天空傳得
滄浪曲不覺梧桐白露生

好從行樂膩晴暉杯酒何論是與非到處曲池
都蔓草野花不管白雲肥

題胡人射獵圖四首

綉纒蹴飛黃螯弧百隊強楔
猱多立意氣跪獻左
賢王

風雨迅馮陵千群忽自崩從來誇毅弩不用更

調鷹

秋色滿胡天 高空一箭懸 將軍卧細柳 慎莫近

南邊

殺氣昏於霧 沙高雲不度 赭盡白龍堆 不識挽

槍妬

題軒轅石

英英白雲膺 云是崑崙祖 一謝洪濤乾 巨靈不

敢俯

題便面

千巖峯齒齒 一片鴻濛似 蓬萊不關人 出戶塞

幽芷

博平阻風二首

風伯太多情 留人住博平 客心如日月 只向舳

艫生

占風何莽莽 計日轉悠悠 天意吾能信 無勞助

石尤

淮上阻風二首

大艫激風湍 長淮五月寒 客情無住着 折取棟

花看

南帆已自偃北帆猶自驕。一様黃河水尋常為
汝遙。

農丈人詩集卷一

龍周禮寫

農丈人詩集卷之二

目錄

述懷二首

婁道人歌有跋

送倪博士謁選之京

自詫

醉

病中少司馬范公以詩見訊次韻奉答時

余栖卧霞爽閣中

全大司馬張公游茂嶼作

玉乳泉

江瑶柱

懷馮咸甫孝廉

携尊楊義問園亭酌程孟孺全嘉則諸君
賦

全蔣伯源鄔汝翼趙敬甫集陳從訓山亭

限韻

送尉弟窩

送周元孚戶部往權臨清

送盛泰甫上泰和山為母祈年無求嗣子

因過郢上壽封司馬曾翁

送蔡憲長入覲

張鴻臚孺宗恭奉南宮試錄馳上 孝陵

賦贈

贈楊少谷州守

沈嘉則邀賞玉蘭同箕仲孺愿鴻羽諸君

分韻

送郡博黃子升之官藩府

寄贈座師陸公子秋試南都

送沈嘉則應聘入楚二首

游茂嶼從大司馬張公二首

雨歸自茂嶼呈司馬公二首

舟行新安江上二首

入南都抵周吏部國雍官舍二首

秋日陪祀長陵恭紀十二韻

陳使君別號筆山索余賦贈會有永昌新

命輒用志別

送赫侍御按陝右代作

亭亭樓為吳虎臣賦

贈郡理葉公考宗

送俞琳司訓永寧因訊其從父九河丈

桂孝廉下第補官亳州學正

輓座師吳菲庵先生

周吏部國雍席上逢吳孝甫俞公臨分得

寒字

游大慈寺

史衛王丞相祠

送董宗望之官樵李四首

送同年吳興李元潤之任晉陵博士四章

末訊唐玄卿儀部

宿遷道中

下邳道中

前督府御史大夫孫公文融先生歸自遼

陽暫憩毗陵之蔣園時惟唐玄卿與相

勞苦頗慰平生因訊斯章兼申契濶云

爾凡六首

古氏朝臨閣上瓶梅尚在口占一絕

送盛泰甫之上谷謁開府張公

馬上見西山作

嘲友人

雨中全司馬公游茂嶼四首

題芙蓉

代芙蓉答

別芙蓉

代芙蓉送別

嶺夕

遵吳

老吃

支願

古氏朝臨閣上題梅次韻

題便面二首

農丈人詩集目錄卷之二

書記周禮寫

農丈人詩集卷之二

古鄞余寅僧杲著

述懷二首

山谷多悲風志士慨以慷抗聲一何烈引睇一
何長豈無弁心人邈在古泉壤流風燦列星咫
尺願同行朝暮傷腐草恣恣追景光景光不可
追涕泗摧肝腸

其二

大運迭遷化乘時起良遇年光難久持朱明已

前遊磊砢華胷子放情多廣慕燕好不及私咄
嗜青陽暮烈烈氣志矜上與北斗驚大海日夜
深恒陰結長路行者各有營昧子守窮故尊酒
良有孚須臾可相諭

婁道人歌 有跋

大海玄珠杳無跡汗漫徒勞笑黃馘羽衣飄撒
紫柏宮五色肝腸澹空碧婁道人貌何澤迎風
下拜微我言一字猶勝聞道百我豈能文章世
自走尋尺倘緣借我苔華詞何憚持之謁姑射
乃知虛寂之行輝九區青鸞空洞雲相扶地為
其籟天為倪世人不似心長枯吁嗟世人不似
心長枯輦金積玉何為乎

婁道人苾蘿山下人也齋素有年無營
共十年而自給足屢索贈言茲復堇堇已泊然
門曰知人也而猶忻忻此聲

送倪博士謁選之京

博士丰神何俊爽鶴立踈踈足忻賞齒髮無多
恨有餘微官不足寄慨慷從容語及長安時諸

公倒屣驚猶遲伊優噉啗侏儒飽空勞面目相
羈縻今年又走長安道淒風急雪何草草平生
意頗儻有申猶賢屈首終枯槁我亦幾度謝都
門白眼不識諸公尊古來放達嘗吏隱等閒欲
共千年論白頭持此將安訊羞澁人前說雄奮
豈有行止關斯人蒿萊久已甘吾分

自詫

自詫驕騮群驪黃不可分天飛者誰子蹠躅入
重雲首着能空飽長鳴向主君萬年銅式在終
使尚方聞

醉

萬事等優游長途可自由坐看天地老醉失古
今愁世俗從他賤生平敢自謀年來深傍汝不
道白人頭

病中少司馬范公以詩見訊次韻奉答時
余栖卧屠田叔霞爽閣中

寂寞黃花徑羈棲白恰人力危思慰藉語至覺
精神高閣巡簷數清池選石頻握蘭芬自喜劇

甚大湖濱

全大司馬張公游茂嶼作

野曠意冷然秋容澹可憐薄衣經窈窕高唱滿
婣娟峭壁成孤往閒雲想默玄山中誰祭酒推
服謝公賢

玉乳泉

靈源通古竇玉乳盎春池釀地分天酒開雲漏
石脂尋常村豎汲珍重谷神知更覆松千尺朝
昏沆瀣滋

江瑤柱

海錯萬斯珍腴房別貯春嘉名真有屬他族遂
無倫已謝泥塗晚猶憐物色新何時充鼎列一
為尚方陳

懷馮咸甫孝廉

一切踈人事千回念友生黃河曾北注白日每
西傾虎圈曠何甚龍門傲未平真傳渭水上魚
腹字分明

携尊楊義問園亭酌程孟孺全嘉則諸君

賦

花氣滿庭虛。風光面面舒。可禁春到此。不醉酒
何如。片石皚於雪。新荷穉若魚。憐君如永日。步
步與躊躇。

全蔣伯源鴈汝翼趙敬甫集陳從訓山亭

限韻

白石語倉庫。榴花一倍明。主人豪自命。客子病
初輕。酒態縱橫起。詩懷佚蕩生。步兵千古意。遮
莫使人驚。

送尉弟審

鳧嶧總前驅。君才豈後途。帆追高嶽疾。醉失大
江孤。暮雨三朧國。秋風五父衢。夢魂相憶處。何
地不踟蹰。

送周元孚戶部往權臨清

京師盡聞周。戶部心事如。眉歷可數。一朝拜天
子。令權關據案。低頭學坐賈。周君顏面大。不得
天子胡。不使我為巨。率萬里橫戈。誅錢勒坐使
英雄。氣銷蝕。如今烽火盡。皆熄戰士。連年解犀

革安所置君勞歎息君不見漢武竭力事四夷
司農飛輓風猶遲腐儒大言黜桑孔廬山之壑
誰支持 國家威德古無上士馬安憑發靈爽
莫卑權事耻不前小可官家贄銖兩我今拜恩
稱雜沓日肉半斤米八合何異肥人傳贄尻空
戴冠纓入朱閣慣從象胥作僂偃朝犒諸夷暮
諸虜方識 朝廷重重譯南金吉貝疾如雨譬
之鴟夷時有湏我能斟酌君能沽稍佐諸君北
備胡 天子不講王會圖 天子若講王會圖
倘然曠蕩推吾徒行矣周君莫太迂

送盛泰甫上泰和山爲母祈年兼求嗣子

因過郢上壽封司馬曾翁

常年獻歲在家好今年獻歲辭家早新裁巧勝
貼初黃上堂長跪辭阿媪窰上神靈祿命司送
人兒子扶人老今年阿媪正八旬兒今便走襄
陽道少婦來前更偷語早晚好作襁兒裸膝下
如今少佐歡得來僮父真吾寶榔梅樹下憩稍
時不妨再問蓬萊島漢陰老父壽且考是日羣

僊若鳧藻衆中誰獻金光草

送蔡憲長入覲

使者朝天領百司清霜爲蓋電爲旗
青龍符上書官爵白虎樽前奏便宜
日麗果魚端笏重風高柱桓禁鐘遲
睿情歷歲珍玄默應爲君侯下赤墀

張鴻臚孺宗恭奉南宮試錄馳上

孝陵賦贈

神霄使者勅書新白馬翩翩許問津
六尚總緣留柏寢萬靈長自護楓宸
萬天有截山爲鎮大地無邊海効珍
鍾阜前頭端笏罷知君百遍恣逡巡

贈楊少谷州守

當時墨綬自猗那其柰蹢躅路若何
負郭無田堪戴笠傍湖有宅好張羅
漢陰機事消都盡濠上高風較獨多
平日不曾輕作贈爲君端拜紫

烟螺

沈嘉則邀賞玉蘭同箕仲孺愿鴻羽諸君

分韻

素娥來下白雲鄉。環佩瓊然儼洞房。姑射神人
冰骨相。羅浮僊子縞衣裳。小垂皓腕驚迴雪。淡
拂鉛華妬薄霜。家是飛觥無可那。好誰消却轆
轤腸。

送郡博黃子升之官藩府

四明山色偶盤桓。又駕餘艎下急灘。老去肝腸
滄海似。窮來道路太行難。金銀宮闕風能遠。蛟
蜃樓臺水自寬。即此已堪充襍佩。莫將壯志恨
微官。

寄贈座師陸公子秋試南都

吾師姓字震吳中。教子傳經有阿戎。騶裊路長
資首著。鳳凰天遠藉梧桐。平敷柔翰看雲起。大
坐孤槎與漢通。多少少年場裡事。莫將容易驟
花驄。

送沈嘉則應聘入楚二首

楚望渺江潯。江花爛熳侵用君。無處所去住。總
難禁舊恨。三湘滿新愁。七澤深武昌。魚可食不

必賦哀吟

良史原禱杙名疆自鬻熊老纒克末役還與衆
人同江漢資雄筆榘枿屬鉅工一時授簡者誰
奏大王風

游茂嶼從大司馬張公二首

渺渺白雲封閒閒水石重秋花不作艷晚景若
爲容野曠無多樹天高幾處峰神僊初不異亦
與世人逢

花下足婆娑臨風倚素娥偶然豁雨歇自在野
雲多以酒當年歲將詩答薜蘿吾心塵網濶放
浪可如何

雨歸自茂嶼呈司馬公二首

冒雨憐于邁從公又雨還萬山知汝健雙屐笑
人閒窮海玄陰積空塘朔氣斑登樓高自遣猶
得俯塵寰

老去主人強高懷殊未央放晴無不可冒雨亦
何妨濁世頻掀袂浮生一舉觴安知天地外別
有姓名香

舟行新安江上二首

碧絕新安水粼粼石上行波光低月白沙氣接
天青寒可凌書劍香誰聞杜蘅踈眉休更照長
是太分明

望望白雲層天都此地經山川橫碧落舟楫上
青冥翠重沙頭雨寒踈石上星神僊如可遇環
珮半空聽

入南都抵周吏部國雍官舍二首

暫憩與山公悠然生遠風殷心彌大海高論倚
長虹清漢呼燈早踈星把盞空芭蕉無限綠隨
意上簾櫳

秋月一何明秋花分外清風塵餘拂拭意氣自
縱橫別久語無次愁多夢不成小溪知款曲倍
見主人情

秋日陪祀長陵恭紀十二韻

大事從權起雄圖直北開神堯原簡授玄武
况趨陪獨問山河去親扶日月回異流皆將相
假寐亦風雷絕漠勞三駕英聲聳九垓山高留

黯慘銘大與崔嵬國是仗元老戎機稟上裁
張新冀服眇小舊燕臺殷地歌磐石馮天遡草
萊松楸紛兩立弓劍儼雲來太乙寒仍衛崑崙
遠作隈俯躬空岫裡昏黑使人猜

陳使君別號筆山索余賦贈會有永昌新

命輒用志別

筆山之山不經見巋然高障無諸甸蒼麓蟠爲
襍寶跗青巒綴作明珠鈿蘭氣周遭晡上馳霞
光盤薄紛來絢初從甌粵占署曹復向牂柯走
乘傳太守既擅師扈才天子又賜帝鴻研
書緬字何分明白纒烏蠻特懷變博南自古已
來賓會者載筆麒麟殿

送赫侍御按陝右 代作

春風駘蕩桑乾綠使者征麾如電矚終南大斧
迎嶙峋畫討竒袤夕謠俗百城大吏走流水九
峻五時色俱起執憲精剗鍊不如誰將闌出奸
吾紀湛恩總許西人私東人不及霑毫釐東人
蘇息使者慈往時帝力今時知何年北斗城中

轡再賜吳閭萬室禧

亭亭樓為吳虎臣賦

高樓面面敞雲端萬里星辰走玉欄不盡大荒
莽蕩合一憑遙夜次寥寒飄風忽送清商遠明
月時從白墜寬便欲乘空晞短髮青鸞猶恐隔
塵看

贈郡理葉公考家

幾年海國借神明遇事看君慷慨生天遣一星
來執法日提三尺佐專城山川時節朝相屬風
雨尋常避不行治狀祇今誰第一吳公蚤已擢
西京

送俞琳司訓永寧因訊其從父九河丈

聶都山水遠來歸中有真人坐翠微幾畹蘭叢
為聖藥充庭女樂是名妃嶺雲片片知鄉曲海
兩年年長葳薇令叔于思無恙在因君持贈六
銖衣

桂孝廉下第補官亳州學正

帝曾盥手將嘉璧君亦呈身上赤墀敢問燭龍

西北事誰分汗馬渥洼時
縻蕪正綠商家社雲
雨雅青老氏祠莫向巨觥頻
自詫好憑薄祿暫
相羈

輓座師吳菲菴先生

一入樅陽路渺茫亂山高下恨何長
自從墮地聞前輩此日臨風拍寸腸
古木年來春寂寂大江東去水湯湯
三吳百粵揚旌地誰為先生紀
太常

周吏部國雍席上逢吳孝甫俞公臨分得

寒字

黃花不妬故人歡杯酒分明對鷓冠
十里長干秋月白五更清漏碧梧寒
都將傲睨空前輩肯為談諧避大官
莫說蚶蜆磯下事恐驚滄海一時乾

游大慈寺

海嶠憑陵引大湖天龍盤礴護神都
誰言覺路非塵劫何必高僧謝酒徒
十里花香閒走馬千山鳥語醉呼盧
年來身世真無着願乞齋前大

慧珠

史衛王丞相祠

翠微十里錦屏新，丹雘千年玉闕塵。
丞相祠堂春寂寂，將軍甲冑石鱗鱗。
山風送雨起空壑，海月隨潮渡古津。
獨有子規作人語，不禁淒斷大湖濱。

送董宗望之官攜李四首

宗望有官而無任祿，亦不及故竊為寄

慨焉

量移總不出三吳，蚤已無臬到采盧。
萬事看來真一擲，不須空着馬前壺。

四座曾誇玉麈飛，如今休自詫無衣。
何人飽吃長安米，白日高槐陌上肥。

烟雨樓前日欲遲，曲隄無恙引葳蕤。
鳥鷺只管湖頭住，白地香風暗地知。

可那醪醖上渴烏，春風無計倩人扶。
道傍榆莢如錢大，不當壚頭一夜沽。

送同年吳興李元潤之任晉陵博士四章

末訊唐玄卿儀部

餘不溪原接太湖釣絲長拂老桤孤春風背地
都相恨抱得殘經不出吳
亦是天家騷裹身太行無那久嶙峋文茵華轂
三千隊跑踣如今若箇真
獨謠花下意何長君自殷勤顧瘦羊滿眼看他
車上儻春風正逐少年場
湏臾流火又西躔每有秋風倍黯然為訊唐睢
雙黑鬢莫教容易老江堧

宿遷道中

大霧如人醉不勝北來風候湯無憑沙頭老樹
猶青在十月黃河不作冰

下邳道中

陡然沙礫向人驕故故陰雲不肯消聞道南風
能釀雪爾來昏霧已三朝

前督府御史大夫孫公文融先生歸自遼
陽暫憩毗陵之蔣園時惟唐玄卿與相
勞苦頗慰平生因訊斯章兼申契濶云

爾凡六首

得歸猶自恨蹉跎若箇花前扼腕多莫遣酒杯
頻放却有人憔悴碧山阿公文編去主影自
遼天力盡淚蘇蘇沙白霜黃草竝枯此日樂浪
如几席海波不動大旗孤雲不宿空閣道南風
誓將萬死報皇天冀土微臣敢自全捧到 壘
書劄尺一蚤辭淚水暮辭燕

朝端大論幾時申鴟吻前頭不敢噴間却尚方
斬馬劍小臣無語獸傷神

好拍誰家笑作帝可堪白月下踈簾荷風宛轉
歌喉細第一先拈昔昔鹽

江潭秋老自黃昏正是梧桐葉滿門學得跣跌
消白晝可知今日是 君恩

古氏朝臨閣上瓶梅尚在口占一絕

顧影離離月在床一枝猶帶臘前香我來憔悴
風塵後頭白明燈對汝觴

送盛泰甫之上谷謁開府張公

六博何論不是才月高霜塞且啣杯紛紛列校

都長揖共說今朝劇孟來

馬上見西山作

風塵何地不蹒跚說着瑠鞍意總闌
家是胡床偏解事扶人顏色上巔峴

嘲友人

見說郎家主太麤
颯來聲息大模糊
春風倘為憐玄髮
贏得窓前喚老奴

雨中全司馬公游茂嶼四首

浩浩吞長谷盤盤下遠關
白雲巢欲遍不辨是

前山

海色一千里霏霏只尺起
山光不照天白盡空

江水

烟莽忽離離溪光蕩不持
秋從何處到早已白

蘋知

一雨浹旬日憂來盈百室
今年少舊醅莫打霜

前秣

題芙蓉

輕寒截曉殷長空
麗秋碧一曲黃淡思彩雲忽

狼籍

代芙蓉谷

遠性托幽谷，雲間夢不來。郎如邀白月，秋水是良媒。

別芙蓉

行行不得阻，曳曳爛庭戶。昨日恨清尊，今日恨柔艣。

代芙蓉送別

暖席不長侶，煩心忽盈渚。今朝櫂上霜，蕭疎得

幾許

嶺夕

嶺路入脩垆，空濛下夕屏。湖山分半壑，竹樹翳疏櫺。歌歇前村雨，鍾催滿院星。那堪喧萬籟，不共使君聽。

遵吳

我自遵吳去，君胡問楚來。黃河初擊楫，白鴈且銜杯。信步人人少，攢眉事事哀。不妨頻落魄，日上鳳皇臺。

老吃

獨漉爾何為空多老吃悲花曾驕北阮魚自避
西施意氣黃金密肝腸白璧疑海鷗如雪色烟
烟不曾欺

支頤

欲遣支頤日常逢扼腕時青雲多睚眦白日且
恣睢杜癭三朝舊孫臆萬乘師諸公自竒表蚤
晚發光儀

古氏朝臨閣上題梅次韻

嫩蕊廉前玉綴輕杖杖遂裏風斜玄二口共臨飛閣
清夢重來海涯

題便面二首

洞壑天低萬仞叢枝雨立千章歲月都從寥泬
人家半住蒼茫

積翠巖巖翳閣深泓閣閣迎潮白日靈魚自晒
青天羸豕誰驕

農丈人詩集卷之二

書記周禮寫

農丈人詩集卷之三

目錄

金陵篇送張孺愿秋試南都

贈別黃說仲

嚴先生釣臺

贈陳處士

訪馮子喬

送吳僧歸虎丘

賦得江上巖有贈

陳及卿邀集全將景雲魏茂權謝脩之劉
國徵顧叔時周明行臧晉叔分得高字

河決

送張大孺穀秋試燕都

阻淤同友人野酌

賦得壺公山贈林生

送臨淮李侯留守舊京

飛雪洞歌為程無過太學賦

同康裕卿沈箕仲集王敬美儀部宅

九日沈徵甫周國雍二選部邀游清涼山

寺

送鄔章甫還京口時章甫尊人汝翼先生

奄然永棄故有蓼莪之句云

得唐玄卿書輒有私喟却寄

經秋

吳郡公文仲暨季別駕子行張司理元訂

携尊過小齋賦謝

送別沈箕仲二首

浦口別周國雍戶曹四首

少司馬范公邀游谿隱二首

發谿隱二首

吊朱邦憲三首

次韻答屠長卿進士都門贈別三首

侍司馬公發曠晦至茂嶼十六韻

送劉明府擢戶部主政北上時余下第東

歸

柱笏齋走筆為常山令唐長公賦

寄懷舊督府顧公

集楊叔向樗園

送史方伯入覲

李子行別駕見過與之小酌

蚤起全陳明府登候濤山

送楊義問之任汀州郡幕

別邦憲諸郎君

有序

送吳無競應試南都

時其尊公來守吾郡因致祝私云

督府葉公討平寧夏鏡歌十章

皖城道中憶故令李子靜二首

淮上逢徐孝廉士彰口號二首

送傅思履歸廬陵四首

有序章

題四時山水圖四首

雲間復雲間為陸都運題八命封冊

凡五章

盧思仁祠部言事受杖賦此訊之

賦谷馬聚生水部近體二章

奉詔供事諸陵道中即事

訪宛平令李龍美

農丈人詩集目錄卷之三

農丈人詩集卷之三

古鄆余寅僧杲著

金陵篇送張孺愿秋試南都

淮甸靈儲彩岷江遠發祥周遭滄海國羅落古今場
古人豪貴風電掣今人咄咤陵谷別有鶴東翻拓御基
有龍西蜿開宸闕白波盡粼才武魂黃塵都化英雄骨
英雄才武俱山丘百年六代傳風流楊花時節楊花怨
桃葉渡頭桃葉謳華軒闐咽乍吳苑疊鼓崩騰忽蔣州
何人委巷

迷長樂何處澄湖訪莫愁莫愁湖水日悠悠王
孫公子相綢繆可惜靡蕪方萎夏可憐絡緯又
驚秋鳳凰臺上雲初起燕子磯前雨不收
嬌雲膩雨狂相走長干無數蜀絲柳陳王慣聞鷄潘
妃愛酤酒沈生子夜喉褚老琵琶手謝公整已
平杜姥宅誰守沈寥世界安可知浩蕩人情何
不有司空婢子太較量司馬嗔恨摧肝腸快意
將軍野傷心丞相岡神彩今時歇威名昨日強
香裊臙脂井花繁宛轉廊只合金蓮步下吐只

合壓梅額上粧朱雀橋邊朱雀航瓦棺寺裡瓦
棺閣藉草輸心錦茵軟臨流沃髮金壘薄初聞
名姓膽相傾忽憶升沉淚全落平生獨羨張平
子羊神朗豁照秋水唐室明經漢孝廉天家準
儼收駮駟倚棹長謠引曼聲百尺牙樯片雲紫

贈別黃說仲

長安陌上人如螳不辨風霾日常紫男兒無賴
七尺強白晝相看昏黑似天台黃君洵且美赤
城霞氣差可儼一經何足了吾生獨挈昂歲走

燕市騶衍不作劇辛死碣石空宮入流水孤壑
經年沒野蒿絕大蟬魚尺有咫由來倒屣都漫
語英雄欺人那有此丈夫何處不伸眉何必侯
門躡珠履况君正是青年紀萬事俱從雙鬢起
行矣黃君善自喜

嚴先生釣臺

天淨白雲飛秋高護釣磯溪光凌坦蕩海色控
熹微草木仍消息龍蛇竟是非再三塞短袂儻
得似苔衣

贈陳處士

古道已嶙峋鴻濛信有真固窮甘一世守拙讓
千人有酒堪彛鼎無名自鳳麟因憐抱甕者終
日漢江濱

訪馮子喬

委巷馮居士蓬蒿滿不除悠然辭世網無事足
吾廬率歲知何計衰年更著書醫王長姪汝不
使杖頭舒

送吳僧歸虎丘

聖果何時得空關。此日歸王孫。親乞食朝士。與
禪衣。發願江雲。滿冥心浦。樹稀至今傳。白虎應
護舊松扉。

賦得江上巘有贈

家在長江上。青山直到門。拄天蒼玉立。截海翠
虬屯。嘯壁驚風雨。垓雲種芷蓀。人寰都歷盡。只
有白衣尊。

陳及卿邀集全將景雲魏茂權謝脩之劉

國徵顧叔時周明行臧晉叔分得高字

旅思孤如海。人情劇似毛。暫從塵外賞。敢問里
中豪。地合清樽大。天歌白幘高。當時駟衍輩。曾
得比吾曹。

河決

瀕洞嗟何極。湯湯載孔途。鯀鯀傷寄命。狼狽念
先圖。上相收前箸。司農請內帑。玄衣吾欲訊。玉
笥有還無。

送張大孺穀秋試燕都

有客勞人別。無媒入帝鄉。一經埋大俠。萬里負

空囊感槩生寒雨，遲留竟夕陽前途。饒氣色錦
瑟已成行。

阻於同友人野酌

一貫紫緜裘青天，此共酬烟霞初。幻夕楊柳漸
歌秋，岼憤臨流水。酡顏對古丘，前途君莫問。飄
泊任孤舟。

賦得壺公山贈林生

一氣俯蒼茫，崔嵬截大荒。炎風吹不極，雲路永
相望。姓字山能借，琅玕草自長。定知采藥者，別
自有徬徨。

送臨淮李侯留守舊京

高帝功臣沸如海，二百年來幾家在。君家不免
亦中絕，適時僅綴通侯列。通侯如君世誠少，衆
中獨數真。騶囊猶恨邊塵靜，不飛寶刀七尺無。
從揮獨與吾儕日，伸紙濡墨淋漓索。知己繁星
滿空眼，不遂寒雲墮地魂。欲醉忽然推擇寄干
城，千旌萬旌盡南轡。南中近事那敢論，依然貔
虎紛雲屯。都督府中放衙了，安得盡日長閉門。

萬物無不可惜與時相頗亦有磊砢徒徃徃輩
么麼飛嶠橫為千里屏長江釀作萬年酒歲歲
來稱聖人壽君不見東南半壁規君手墨書
赫赫行北事

飛雪洞歌為程無過太學賦

正月柳條赤二月柳苞拆三月柳絮飛須臾亂
如雪殷雲杲日何續紛綠雨蒼煙乍消歇空憐
芳澤長自有寧信韶光不相守伯勞卷舌哀鴈
鳴昨看如雪今如帚如雪猶且可如帚將柰何
暫時豪健誰哀別滿目繁華誰家多一笑把君
青玉學與君大醉柳樹下

同康裕卿沈箕仲集王敬美儀部宅

帝城花事自龍蔥杯酒天寒意較雄拓落總宜
寬夜雨沉冥饒得誤春風清時作客無長短失
路逢人有異同家愛王郎高辨在譚天不數百
家空

九日沈徵甫周國雍二選部邀游清涼山

寺

指點禪關處處清偶因佳節作山行無端秋滿
祇陀樹有漏人投舍衛城白草不知殘照合青
天忽放大江平此中舊事君休問我輩今來是
主盟

送鄔章甫還京口時章甫尊人汝翼先生

奄然未棄故有蓼莪之句云

小閣閒花坐寂寥故人相過轉蕭騷十千美酒
君能醉三百枯基我自逃賦到蓼莪真是恨歌
殘杖杜始為勞離愁鬱鬱成雲氣已共帆檣日
夜高

得唐玄卿書輒有私喟却寄

霜枝楚楚徹宵橫何處寒江送遠聲霄漢故人
誰健在風塵道路頗難行內廷偵事頻傳殿屬
國勞師別築城聞說北風何太勁此時蒼蘆葉不
勝情

經秋

經秋木葉動羈思擾擾流光忽忽馳絕壁烟雲
時變幻瀾天風雨乍紛披姓名到處渾無賴眉

睫逢人總不宜傾蓋如君還自詫好從何地覓
心期

吳郡公文仲暨李別駕子行張司理元訂
携尊過小齋賦謝

小山叢桂自相親何意朱轡問隱淪揮毫不知
鸚鵡倦開絃寧惜鳳皇頰向來草澤人猶重近
日巖廊事轉新漫說世情都忘却又將骨臆詫
風塵

送別沈箕仲二首

憔悴沈生顏年年湖海間老空慚白日貧不妬
青山雲片高原濶嵐霏大澤斑傷心天地綠春
到幾時閑

同病更同憐雙眸炯自懸論心驚歲月怨別指
山川易醉微茫雨難知莽蕩天落花如會意故
向酒杯前

浦口別周國雍戶曹四首

卒卒竟何情靡靡自不平亂山高執手孤樹遠
吞聲精爽邀鴻鵠芳香托杜蘅那能輕此日不

與重吾生

老我看蓬矢慚人請帛繻黃河水雪盛白髮道
途迂世事真磅礴風塵足嘯呼敢言三十載牧
豕北山隅

有感千端集無申萬恨遲道高存尺蠖時至起
死月靡歲月去何疾英雄遇或奇窮通休更問先
達祇吾欺

大壑年年往蒼天日日高黃河清可頌白石爛
曾操已任人情失無堪世事勞姓名猶有識慚
媿未能逃

少司馬范公邀游谿隱二首

杳杳知何處飄飄不自持精神因地別耳目恨
來遲莽蕩千峰出虛空萬象披晚來嵐氣合不
辨有推移

窟宅儼仙真雲霞亦是塵山川勞起伏日月借
嶙峋大海遙光起高空爽氣新薄寒猶戶牖清
夢滿松筠

發谿隱二首

塊泚白雲隈無端送客回錦屏千萬疊氣色一時迴選石繁陰下飛觥積翠來去留吾自得何用鳥聲催

大麥看黃鷓清溪天上流鳴禽如感慨古墓為遲留石罅沉雲響沙明宿霧收大湖曾接海今日半平疇

吊朱邦憲三首

宿昔神何壯泉臺路已微片言天地在萬事死生違放達憑誰健英雄過眼希吳淞何限水不

此淚全揮

那更馮陵甚都稱決驟殊有酬身可借無賴酒為待人面勞相向高風莽自孤生芻蕘無遠道慟絕此人無

登木幾人訝逍遙柰爾何生平存海嶽意氣想烟蘿遺恨青天薄留芳白日多蚤看諸傳在不媿殉山阿

次韻答屠長卿進士都門贈別三首

落日催歸騎春風引別卮總多游子意聊與故

人私廣陌鴟鳩語長渠楊柳絲勞勞都在眼那
復向君為
莫更悲前路何須怯後卮世情真汝艷天意或
吾私遯世惟玄草驕人有素絲乾坤方浩蕩一
任楚狂為
脉脉看長缺送送把濁卮誰言一日醉不是百
年私珍重懷中字綢繆膝上絲傷心茲道絕乍
可昔人為

侍司馬公發曠晦至茂嶼十六韻

導渚有餘清看人白鳥明遙分平野色乍入大
江聲旋旋空濛失巖巖積翠生短檉當岝立老
鶴逐陂行進艇枯河溢扶筇絕巘輕危巖驟別
榭神漢墮前楹日月頻揮擲山川暫合弁雙眸
疑不極一嘯意難平壯志聽鷓鴣高懷訊杜蘅
交情多險巇世事大縱橫珍重鮒魚膾尋常竹
笋羹奕過天再旦睡到日西傾有地恣幽討無
時解宿醒乾雲栖老石苦霧冪荒坪萬慮緣於
俗千年好是名滄洲鷗鷺在敢悞舊時盟

送劉明府擢戶部主政北上時余下第東
歸

去年逢君帝京陌斗酒相勞頗不惡今年送
君甬江北握手相看殊不憐丈夫意氣山可吞
得意失意寧足論鷹揚虎視亦常耳終然俯首
甘丘樊我今又謝長安道顛毛種種如衰草誰
言國家真渴才如君遷轉曾不早君官東海
今幾年寂多悃幅蒼生憐由來不及巧宦徒空
名長後他人先英雄豈必遽有聲因人稍得論
平生朝廷所須直何等誰將一補涓埃明以
此無論遇不遇人生况是草頭露君行勉旃奮
烈光我且蓬蒿守窮故

柱笏齋走筆為常山令唐長公賦

天門一柱矗天起翠削芙蓉散晴綺海底瞳矐
射欲青林端霏靄拂初紫主人睢盱若端委盡
日垂簾讀秋水秋水清冷巖芳並甘雨和風滿
江溪單父之聲定何似旅穀野蠶紛奏喜峰文
未動景未移倏忽遙光下天墜

未
寄懷舊督府顧公益卿先生

唾壺缺盡不勝情
花下憑誰狎巨觥
笑指青天迴目睫
醉眠白石數髭莖
專場握槊驚猶鬼
秘閣彈碁沸若兵
聞說魯陽曾反景
短戈空向膝前橫

集楊牀向樗園

不施斧鑿自天成
海濶風迴俯太清
選石已曾無百品
種花况又及千名
遣將霜鬢蹉跎日
聊作雲壘爛熳情
祇恐星槎凌漢去
白鷗閒殺舊

時盟

送史方伯入覲

鳳城迢遞引征旄
龕赭門前送海濤
矯首山河文陛切
俯躬天地白臚高
外臺總識尚書履
中使先傳岳牧袍
定借山玄光九列
空煩竹馬候江臯

李子行別駕見過與之小酌

淒其積雨闇茆堂
誰劃江天萬竹光
笑我世情真莽蕩
多君心事不尋常
軟卮吉翁遙相韻
絳

語幸夷宛自香
擊取沼中青石
髮英英幽意滿
芳塘

早起仝陳明府登候濤山

天地平臨氣色開
扶桑高捧大明迴
龜鼉接鳥無前後
鷗鷺揚旌有去來
極目不分千里外
遐心都在百層臺
朝朝夕汐常如此
猶自令人漫是猜

送楊義問之任汀州郡幕

新羅直上卧龍墟
斗絕曾聞嶺嶠殊
嵐氣滿天常晝合
溪流到郡總南趨
一行作吏蠻荒遠
萬里携家赤日俱
應有彩雲長五色
憐君將母為君扶

別邦憲諸郎君

有序

余哭邦憲海上留其地
六日邦憲盛有俠名
豪於酒德心期長往
私悰不歡既行邦憲
丈夫子九人送余江
訔悼往勸來徹旦不
罷遂成茲賦哀滿于
篇宿草茫茫絮酒孤
片帆渺渺夕陽徂寒
潮有恨

分前浦白日無情滿大湖哀至不妨頻痛哭醉
來何地好狂呼總多繾綣須臾事目斷江天九
丈夫

送吳無競應試南都時其尊公來守寧郡

因致祝私云

南國遙遙江路賒綵雲一縷碧天斜依期潮到
青棠楫得意人乘白鼻騮結綺樓前歌正沸披
香閣上鼓初撾邦人無地酬明德蚤已文芒照
海涯

晉府葉公討平寧夏饒歌十章

何物鸛鷓晝作噪縱橫并入犬羊騷旄頭指處
妖氛淨萬落驩呼大盡高

朔漠如沉掣不開九重震怒赫於雷劃然萬甲
增神彩一劍從空忽下來

真箇高牙紫電翻我公是日鑿凶門黑山陣陣
風如掃知是昆吾驟虎賁

本是么麼不足烹釜中猶自假餘生諸君但駕
衝車去不是當時統萬城

山後林林窟犬戎諸凶駕燄虜呼風孛雲射死
山前路此是轅門第一功
丁廣當時便剷除石城滿四迄天誅腥臊不足
膏黃鉞九廟神靈旦夕須
大河濯濯走馮夷水底游魂水面追更是祝融
齊併力一時小醜盡俘累

檻囚日夜走風旛燕市西頭貫索尊痛殺關南
李節度剉尸萬段不償冤

孤障峻嶒生紫烟賀蘭山壁即燕然天聲已奪
羶裘膽若箇西人筆似椽

虎符前日耀扶桑銅鼓風高龍鬼方再問焉支
山下路策勳特地坐明堂

皖城道中憶故令李子靜二首

過盡青山粉堞明故人曾此牧山城至今父老
猶含淚灑向東風寒雨生

客路羈人一倍卑山城二月不勝寒傷心最是
平生語攬取年來白髮看

淮上逢徐孝廉士彰口號二首

黃金不惜起高臺頭白徐生又北來懸着雙眸
看海內只今誰是郭家才

攜手同君上大堤幾年前事不曾迷秋風默默
且西去說着令人不願提

送傅思履歸廬陵四首

有序

思履來海上省其兄侍御公成所已而
歸省其家翁思履之來也嘗讀書候濤

山山又名鰲柱云

撼撼秋風木葉飛知君涕淚滿征衣扁舟又下

西陵去兄在江東弟獸歸

紫芝眉宇我曾逢魚服真看箇是龍記得山僧
頻說向讀書嘗在候濤峰

幾登鰲柱俯江關黃鵠翩翩空大寰萬里不留
雲一片送將雙印到三山

金鷄消息未曾真無計相便慰老親但得南山
無恙在不妨白髮滿頭新

題四時山水圖四首

漠漠蒼光遲幽谷東風無限吹江渌滿天烟雨

一竿深啼盡歲豨鷓鴣綠

芳樹籠烟復籠霧綠陰不斷山如暮落花故拂

倦游人拍點前村問來路

萬落蕭疎秋氣早片雲不到天如掃蒼岬直上

青冥深獸樹垂垂向人老

寒重梅花鬱亭毒風吹一夜湖山曲幽香何處

寂偏多雪上今朝見人足

雲間復雲間為陸都運題八命封冊

凡五章

雲間復雲間金莖翠蔀鬱彼閭闔闔明堂開禮

間間格澤被組蓬芮抱綸紵負錯彩寶若環右

章雲間復雲間追庸遡賞宛彼咫尺顏清問下

佩珊珊龍翔碧牕永明朱殷錦紋孔出緯若斑

右二章君家老基在懷橘郁敷蔓穎夢何必鑿

在端門左泰壹大海繩繩逮其耳赫赫紘紘懿

厥始右三章君家舊德在斷葱蒼精晻藹天與

通倚蘭扶荔馮而登前氤後氤霽來扈裔爾千

支明若午右四章麴部麴部不軟醅飽卿飽卿

常苦饑泉府泉府臣敢緇下令如流水門牡謹

持之鞠躬屏息敢忘皇天私 右五章

盧思仁祠部言事受杖賦此訊之

大風揚沙天若赭萬人辟易散如瓦霹靂九關
驚忽下螻蟻之軀焉是假是時召客滿吾邸彈
缺吹竽差可憇四座聞之盡闇然商聲頓絕羽
聲死翠海搖搖誰轉矚狼籍君前一囊粟天地
倉皇不可分鈞陳此夕空踉跄勞人草草驕人
吁蹴芻細事有嚴誅明朝意氣揚揚者騶唱如
雷過九衢

賦答馬聚生水部近體二章

美人何處理桐絲昨日初絨郢雪辭落落空江
星可數茫茫遙海月難期天家大事青萍老塵
世榮名白墮遲少府金錢都散盡諸君猶自然
支祈

黃鵠山長入夏陂嘗聞蒲汭發神奇滄光遙劈
金鳩鵲虹采高憑玉鷄鷄風尚已多先輩事品
流應是後來師長安無邠囂紛甚立馬看山得
幾時

奉 詔供事諸陵道中即事

蒸蒸勞睿想鬱鬱啟嚴程雲接長河白風驅大
漠清周遭高作壘警衛盛陳兵可是賓天路諸
臣容易行

訪死平令李麗美

好友遙能待故人閒可來訟庭花寂歷官路鶴
遲回高步天聲動英談夜色開品流誰得似北
海故雄哉

農丈人詩集卷之三

書記周禮寫

曲辰丈人詩集卷之四

目錄

廣陵別陸無從諸友二首

送齏丞屠田叔入閩時余補叅閩藩不能

拜 命漫爾及之

僧有號叅竹者索余賦之遂成長句

自昔二首示楊伯翼

古劍

司馬公餞別全諸君分韻得涯字

閭門逢素羽歸四朗邀余叙別仍用涯字
無懷社中諸友

舟次睢寧因憶胡孝廉以是日北上

彭城道中即事

魯橋村

舟中元夕

渡淮

入雍奴寄沈肩吾太史

楊村曉發

燕邸

賦得大石尊送楊亮參議閩藩

且啜惠山泉水歌贈盛山人

張司馬公伐山望湖

雲間張虞侯過訪因贈并訊吳明甫戶曹

馮咸甫孝廉

贈屠緯真五旬生日

吳虎臣携尊褚園

贈戴德仲文學有序

送黔生

張司馬公壽日招游武陵

抵江乘

別國雍北上二首

芙蓉二首

初聞陝右之命偶占示田叔奉常二首

夏五訪文融即事二首

寓杞邙徐令君譚梅禹金近以誦通上公

車志喜

送弟察東歸

應制題玄兔卷子十五韻

贈李處士

百花亭長歌為華園

范鴻臚奉詔滇南賦贈二首

送楊叔向參政閩藩叔向舊參八閩今再

起仍駐節延建云凡二章

石東泉給諫上書受杖削籍歸時余適試

公車悵焉懷贈

壽母六旬母生辰蓋重陽前一日
游阿育王寺

阿育王寺舍利

寄贈中丞岨峽張公巡撫宣鎮五首

偶題南陵縣齋五絕句

趙姬墓二首

送李廉甫節推鳳陽二首

送屠田叔齏丞還任閩中四首

送劉推府奔訃遼陽四首

贈葉叅知入賀

贈潘殷甫文學

朱汝虞廷尉守官介潔奄然遐棄兩方伯

溧陽史公海陽范公閱其貧為置田四

十畝賦此奉頌高誼

彥遠弟卜遷新宅奉賀近體一章

為袁應祺進士題杏花卷子三首

農丈人詩集目錄卷之四

書記周禮寫

農丈人詩集卷之四

古鄆余寅僧杲著

廣陵別陸無從諸友二首

伏火爍泰空狂波竟天外上顧寘舒爽下顧增
煩嘒憮茲疾疢嬰况乃滯空墟清風揚景岑何
時發嘉賴縱橫起焜煌儻失平生喟良友不自
意聊樂江之介薦賞各所陳一談迅百快擬議
都有經無慙古人在

其二

我友殷以惜存情何鬱紆申章各不淺大旨紛
來斟千里密同好意氣充長衢好鳥一失群旦
暮相悲呼豐林亦云愜孤景寧默愉笑語豈不
溫愛與知者俱兩心誠有適四體為之舒明晨
懷苦辛不若立斯須

送齋丞屠田叔入閩時余補叅閩藩不能
拜命漫爾及之

大江浩浩露華白大艣呼風送潮發行雲欲歛
忽暍靄可柰樽前半輪月憐君對酒頗不弱時
佐談鋒宛乎雪一旦量移到海邊不肯低眉稱
落魄五尺身才百尺強高標颯颯松風長雙眼
不識公與侯長揖之外無他腸有賦不登七寶
床有經不講百福殿歌曾塞鼻人不聞巾曾折
角人不羨前代聖書今令甲當途往往遭馮伯
空聞拂拭萬珠璣剖向君前似肝鬲咄咄相看
白髮新英雄到此俱逡巡我今已謝無諸國慢
亭勝事何嶙峋流螢點點綴君衣總為從前惜
翠微笑蓉兩岬招搖去倘有羈魂後夜歸

馮
馮宜作

僧有號參竹者索余賦之遂成長句

吾聞浮筠之幹錯青紫砂礫翻雲杳空起檀欒
切戛鍾磬鳴嬉游紛屬來僊趾何物必翦證淨
域絕無緇絀應如是金光巨海若泰空豈必碑
礫苑成壘我今試問蒼筤君日夕顧之抑何以
已着放下梧桐花又忽拈花笑不止淨居天宮
無上尊波女羅雙樹宛其死幾人夜臺白如晝幾
人火宅涼如水蒼筤蒼筤胡為耳君今顧力竟
誰似前身或是迦闍子大象當時曾負爾

自昔一首示楊伯翼

自昔豪男子能無恨索居風雲驕若此日月驟
何如赤彈遮人少黃金結客踈百川不到海那
得號歸墟

古劍

神物自軋坤無言意氣尊劃雲看決絕傍斗見
飛翻土蝕花成恨龍憑水作魂誰能甘睚眦不
向此中論

司馬公餞別全諸君分韻得涯字

拜手上公家前旌紛彩霞
山中人出祖江上客
乘槎古木封微霰
寒雲沍淺沙
大廷倘相借
未敢恨天涯

閩門逢素羽歸四明
邀余敘別仍用涯字

無懷社中諸友

相逢吳子國相別麗人家
舊自憐鄉曲貧猶過
狹邪高情緣箇重新句
得誰誇明白知君去無
言寄海涯

舟次睢寧因憶胡孝廉以是日北上

涼月有何意哀鴻只自繁
微茫開巨浸踈豁見
平原澤氣秋天杳雲陰
夜壑屯坐來超忽甚正
爾憶飛翻

彭城道中即事

土霧暄秋重嵐霏晝夜層
培塿高自劇激浦急
相仍歎石勞甘嚙迴沙駭
善崩戶炊何用好蓼
實亦堪登

魯橋村

半景臨墟隴雙榆關里門
秋風吹卷陌落日散

鷄豚野外桑麻潤山中父老尊喧喧村釀集賽
鼓正黃昏

舟中元夕

何地綠烟開宜人好月來他鄉逢節序良夜惜
徘徊老自扶雙鬢狂誰盡一杯羈心與華燭不
任九枝催

渡淮

不忍淮揚水湯湯萬里隨侵尋成駭路湍瀨足
空陂戍鼓登陴急炊煙望屋遲玄圭并白馬歲
歲使人疑

入雍奴寄沈肩吾太史

記得長安淚雙垂大道邊肝腸盡一別淒斷已
三年古堠懸秋月崇城倚暮天可憐敝裘馬又
向薊門前

楊村曉發

涼月總踈踈催人上客車微茫窺道路嘈雜過
村墟遙岼分冰壯空郊阻雪餘晚來看朔氣只
讓與屠蘓

燕邸

一枝聊鷓息萬里謝鵬圖宛轉腸為結婆娑影
自扶坐參病羽客出控老髯奴盡日長松下輕
鹿覆綠蕪

賦得大石尊送楊公亮參議閩藩

大石尊者越王宴集賓僚飲酒之尊也

今在閩之九仙山上

大石尊何磊砢一片鴻濛錢色真縱橫歷錄蒼
霞輝弁唇哆口腹更饒越王曾向青天驕醉眼

糝糊指龜鼈豪心猛氣欺高颯即今漲海雄風
死空留此物見竒詭無數山魈嘯草根蝦蟆躑
躑據其耳時來更值新主人高懷頗足稱嶙峋
放衙未了忽若恚滿前盡走觥錄事不顧玄瀝
液不顧英瓊漿但挾殷紅十八娘一顆一盡一
百觴掀髯咄咄差相當人生適意即爽塏富貴
在前烏能待無諸小子今安在今朝髮白昨朝
鬢真昨朝花發今朝墮阿誰束縛直甚窘獨醒之
徒真可憫大石尊聊自哂

且啜惠山泉水歌贈盛山人

天晶晶日浩浩秋風廓落開長道與君携手登
惠山斟酌清冷解懊惱我既謝樊籠君亦甘潦
倒舊事淒涼瞥如掃人生坎壈常是多可能何
物開懷抱山中有鳥泥滑滑得過且過聲更好
莫說眼前無至寶請君日日向泉邊一飲一掬
堪共老君不見兩人頭上俱衰草

張司馬公伐山望湖

伐木千章望望通一凌坦蕩大湖東
寒衣未使蒼茫隔照面能令睥睨空
勝事不妨頻作祖後生何處揖高風
勞勞鞭石當年者歎息于今定不同

雲間張虞戾過訪因贈并訊吳明甫戶曹

馮咸甫孝廉

看君眉宇故軒軒不合長埋在澤樊
雲際珮來光可掇林端嘯罷響猶奔
奔風塵若箇心期在湖海如今面孔
存柳上雙珠堪照乘空多聲價滿江門

贈屠緯直五旬生日
緯真好道故有霞
宮之云

文昌星精煒何燭初祝鸕鷀五旬杓竹籜僊冠
歲委迤玉鴻帝硯日旁礪脩脩獨鶴引吭長漠
漠蒼松纓蓋廓早晚霞宮結藥珠莫漫空函贊
聊略

吳虎臣携尊褚園

空將華髮逐他鄉更為名園坐晚涼
獸石偏憐人睥睨高松寧解世蒼茫
樓臺半入滄浪色鳥嶼全飛杖杜香
季重年來頻廢酒都無清興佐
倡狂時虎臣有酒戒

贈戴德仲文學有序

德仲尊人水部公與其兄三先生俱甲
第通顯千古罕匹而水部公乃翁儒紳
古德寔開毓諸彥德仲是年六旬輒備
陳之不及祝言於是俚拙遂覺彌多

盛事當時萃一門呂梁使者勅書尊黃河此
日猶清在小戴于今有聖存翠栢枝頭聲自切

紫荊花下語長溫祖翁故研真嘉璧傳到君前
第幾孫

送黔生

大江黯黯意何長二十年來事渺茫世外定誰
憐骯髒風前猶自詫肝腸梅銷舊壘仍秋草黃
芮荒廬幾夕陽今日新都誰競爽大鄣靈氣倘
迴翔

張司馬公壽日招游武陵

秋色晚逾開蒼茫靜綠苔言追靈壽杖不住叵
羅杯花為愚公發雲知聖女來座中誰寂甚狂
蕩不知裁

抵江乘

蕭瑟古江乘涼風日夜生荒池并斷龍謝墅與
檀城舊事海潮去新愁野燒明墓旁花爛熳正
憶卞忠貞

別國雍北上二首

此際復何語此中那不歡一朝逢我易千里別
君難握手當江滸論心正歲寒無勞頻悵望前

路尚漫漫

熟計無通路深冬有問程與君愁到別空老作
何名萬樹風吹盡千巘雪築成旁人笑顏駟又
索薊門行

芙蓉二首

艷重寧為有閒來淡欲無水知雲不染秋忘月
長孤已絕三千衆猶輕十五都溫柔鄉總好未
敢命前驅

繁露下天孫娟娟靜可論香無饒玉珮光自輾
華軒薄粉寧須假驕朱未假尊關關聽執鳥為
爾醉芳魂

初聞陝右之命偶占示田叔奉常二首

隱去我曾云今朝計不分一身羈似束兩地戰
如焚飄忽風中土低四原上雲深秉良自苦灑
泣鬼神聞

幾年京國事鬱肆在胸中祇為耽閒秩無由奮
薄忠不鐫從髭白長鳴任耳聾平生餘勇在一
向故人雄

夏五訪文融即事二首

煩囂不到門間寂似江村
遲我乘潮至多君卓
午論千秋存委巷萬事待臨軒
叢竹知人語風來不覺翻

夙昔亦何哉懷人不可裁
驚看梅子熟笑指棟花開
世大終難寄天高斷可回
山中有鷓鴣莫漫詫深杯

寓杞適徐令君譚梅禹金近以誦通上公

車志喜

梅生無恙在慰藉故難量
冠與高雲切衣仍宛地長
文昌司大命太乙借餘光
喜劇巖廊上諸生姓字揚

送弟察東歸

客路逢吾在鄉心為汝繁
百年雙淚盡萬里一身存
負笈聊塵世驅車復里門
大江一以送飄泊不須論

應制題玄兔卷子十五韻

帝座靈臺暇皇披異質
明白天勞拂拭應月與

生成色正當宸極賜高屬上京圃知玄氣積澤
想洵光生似矯纁旂繞猶馴黜輅迎堅糜留作
闕純漆點為睛在野原幽翔于遠更穆清彤庭
憐自好髹殿撫初呈葉密僊人杖花芬神女嬰
且從窺燧影未假遁環形占律經千紀旋魁配
五行睿情欣泰運秘錄啟王正長跽開瑤軸分
題指玉衡 至尊無別矚篤眷在嘉貞敢問雄
相舐寧論窟獨營

贈李處士

吾聞聖代置博史高標特行風州里後生不敢
稱鴈行至今袒割勞天子此道如今棄若塵乞
言之事誠嶙峋朝廷存問時時有何曾一及蒿
萊人所以李君躋大耋曠然歎卧煙霞窟老眼
摩娑九十年萬事如風吹一呖曾聞太守賓右
筵又聞縣令徵詩篇縣令朱君我家厚恨不談
君縣令前冀饁龐耘鄰更睹梁鴻何用離鄉土
五色雲光高可藏相從束髮賢人聚如君有道
不為貧已聞縣令復君身尋常一毛亦帝力况

迺篤祐真紛綸若木之枝竟何處朝朝扶日升
天路此事荒唐詎可論請看君家老椿樹

百花亭長歌為華園

滄洲晶森導何渚玄圃周遭規作墅有美丰神
宸軒舉夢寐蓬壺游帝籞長代天公渙零滑靈
苗異穎紛如旅白纈紅瑄并黃拒一笑顧之真
解語雨傲風舞月延佇娉婷在幃貫在序柰可
禁當數對汝摠付千巡呼昔醕佐以清揚歌激

楚

范鴻臚奉詔滇南賦贈二首

天子垂衣總萬邦詔書十道擁飛幢高憑日月
迴蕃部獸護風雲過麗江地極牂牁千徼合雪
深瘴癘萬山降不須開府看英蕩使者占星已
自雙

龍章遙下金函重虎旅傳呼玉節新絕域總驚
天咫尺蠻方初識帝絲綸風旋萬落開秦路
雷動千麾渡漢津今日皇圖真廣大無勞更祀
碧鷄神

送楊叔向參政閩藩叔向舊參八閩今再
起仍駐節延建云凡二章

襜幘曾識荔枝丹舊使君仍戴法冠千社已成
都嶮巘十年不改步邯鄲旌麾雲捲秋巖淨鏡
吹風迴漲海寬此日將離無處覓贈君滿握翠
琅玕

沉醉何妨發歎竒送君猶恨用君遲掀髯湖海
多相詫屈指乾坤竟是誰小醜幾時伸廟略大
盈無計慰宸私野人何與天家事臨到潮來不
可支

石東泉給諫上書受杖削籍歸時余適試
公車悵焉懷贈

萬死憐君灑淚看昨朝初挂惠文冠時平猶自
危明主恩重何須食大官遠樹低空看馬去
驚沙吹雨向人寒更煩相國能存問珍重孤臣
好自寬

聞某相國贈銀甌二云可貯藥也給諫
拒不受

壽方母六旬母生辰蓋重陽前一日
未瞻令母識郎君曾共天涯憶暮雲已分百年
稱永畢肯令一子遂無聞內家未掛茱萸佩南
極先遺錦繡裙莫道向來華轂盡祖宗風度尚
氤氳

游阿育王寺

登登覺路寶幢平有竹扶人自在行不盡秋風
吹古瓦半空曾放大光明高峰爽氣孤亭得九
月寒空萬里清天地幾人逃幻劫不妨今日拂
衣輕

阿育王寺舍利

西來舍利有還無金碧莊嚴極海隅萬里從分
初地果千人真說戒壇珠浮圖寂寂燈猶朗法
衆紛紛鼓自趨靈雨乍收清梵徹香花吹落白
毘毘

寄贈中丞岨崧張公巡撫宣鎮五首

虎符曾轄大江南練甲三千白晝酣 天子一
朝思李牧十年龍劍再開函

九重北顧正如焚鎖鑰如今寄到君上谷年來
誰家烈飛將軍後寂無聞
張奐行兵捷有神白龍堆上望胡塵諸營新結
長蛇陣來歲黃幡正在辰

自從飛燾捲天聲夜夜旄頭不敢明決却雙皆
看獸石要將鯨觀與山平

長得天驕作外藩國門匍匐廟謨尊書生只合
銘功德不合私將塞事論

偶題南陵縣齋五絕句

春深那敢恨蹉跎花影悠悠滿綠莎散罷午衙
無一事自憐鵲鵲鳥聲多

青天無語理桐絲起視堂皇晝影遲彈到幽蘭
淒絕處雲中玄鶴舞差池

當時畚鍤總如雲今日農歌處處聞青弋江頭
人共說使君容易坐斜曛

踈篁窸窣舞檀欒笑指東風試籜冠今日不曾
輕縱筆酒杯應比舊時寬

尋常書幌不曾開只有黃鸝取次猜認得花陰

過幾尺殷勤索報主人面

趙姬墓二首

竹樹蕭蕭暮雨哀青鸞去遠空重來秋風一騎
空回首稍掬清冷薦夜臺

空將芳意遣蹉跎地上相逢地下多青火至今
埋不盡一燈昏黑下藤蘿

送李廉甫節推鳳陽二首

海薄峰迴龍虎扶古塗山國是中都此間父老
今何似定憶高皇舊賜脯

都梁山上故宫非只有香風滿路輝此物至今
堪作佩憑君采擷當靈飛

送屠田叔醴丞還任閩中四首

花塢叅差起棹謳蹉跎又上木蘭舟紅亭綠樹
多情思鷓鴣春深怨未休

芳草萋萋滿道周王孫行處不曾愁七閩只較
三千里縱是天涯未盡頭

不少知音傍綠尊海潮無恨出江門如今只作
紅塵去白石幽蘭且莫論

下捷何知歲月寬，偶然出郭一盤桓。
酒杯影裡是何物，不敢分明拍籙冠。

送劉推府奔計遼陽四首

素旄離迷下海門，故衣何處好招魂。
楊花無那漫天起，點著斑斑盡淚痕。

一夜酸風渡若邪，濕雲淒斷在天涯。
江壩多少倉皇淚，灑遍山中躑躅花。

雨中飛鷓已乘潮，雨外芳蘭空自遙。
誰說石帆賜不得，江天黯黯路蕭蕭。

盡道神羊到海隅，傷心萬里失慈烏。
贈君七尺桃枝杖，彊為蒼生善自扶。

贈葉叅知入賀

萬靈驥北首千騎，擁南鑣嚴仗渾疑切。
華旂迥自遙，憑空瞻太乙。取次遡神霄，
莫漫驚雙闕。常年學鳳朝。

贈潘殷甫文學

林宗巾自墊彭澤，履曾捫豈不青衿重。
由來白恰尊殘編，籬歲月古屋贊乾坤。
歷歷占星象，憑

誰聚德門

朱汝虞廷尉守官介潔奄然遐棄兩方伯
溧陽史公海陽范公閔其貧為置田四
十畝賦此奉頌高誼

灑泣寒空不盡哀幾人扶義到蒿萊高天不庇
英雄老厚土空煩雨露培壙墓有靈懸劍在泉
壤無語東芻來津津俠烈都會說容易聲光徧
九垓

彥遠弟卜遷新宅奉賀逾體一章

繇余自昔尊吾祖句角如今頌爾孫直跨大江
開闕閼遙從玄圃種蘭蓀潁川親署高陽里北
海新題通德門金埒寶鏹俱長物抑之篇誦即
崑侖

為袁應祺進士題杏花卷子三首


金鑣散作葩袷服照成赭擾擾陌上人誰非爛
熳者

我謝長安風子醉長安日人生各有時何悟遂
相失

聞說明光殿栽培得幾株榮名與嘉類還共栢
梁俱

農丈人詩集卷之四

青記周禮寫



書
卷
一
九

100A